

التسجيل الصوتي الثالث: سعيد

- سلام سعيد لباس عليك .
- لباس بيخير.ونتا ؟
- تا أنا ربي اخليك .المهم أول سؤال بغيت نسو لك هو شنو هو النوع د العمل لي كتخدمو نتا و group ديالك ؟
- هادي ثلاث سنين مبعيتش خدام فأساس جمعوي , ولكن كيف ما عندي بزاف دالناس صحابي لي خدامين فواحد الاطار لي هو تلفي ولا جمعوي.Donc مرا مر كيحيطولي على وديت شي حاجة على وديت ش intervention على وديت شي سؤال ولا شي مساعدة. Donc مكنبخلش وباقي كنعاون, ولكن كيما قلت ليك هادي ثلاث سنين حبست ومبعيتش كنخدم.
- مزيان. علاش خدمتي بهاد الطريقة spécifiquement .
- علاش خدمت بوحدتي وعلاش خدمت فاطار المساعدة؟
- اه اه.
- أول حاجة أنا بزاف ديال المرات بزاف ديال التآلفات كيحيطو لي باش نكون معاهم فواحد الاطار, ولكن دايمًا , بالرغم من أنني كنبغيهم وكنبغي كيفاش كيخدمو, كيكونو عندي مؤخذات على شي حوايج كيفاش كيدارو وكيفاش كيكونو. Donc ماشي أنانية مني , ولكن كنفضل أنني مننسبش راسي لشوي جمعية أو لشوي تآلف لي مكنكونش كنشبه ليهم مئة في المئة.
- أوكي. علاش كدير هاد النوع من العمل؟
- كيما كيصرفوني من شحال هادي وكما كنخدم دايمًا. معرفتش كيفاش نقولها لك بالعربية mais à cause de l'empathie. علاش كندير هاد العمل حيث الحياة ديا لي كيفاش تزديت وكيفاش كبرت ونهار وقعات لي المشكلة الأولى ونهار وقعات لي المشكلة الثانية ونهار وقعات لي المشكلة الثالثة لي بالنبة لي مشكلات لي أنا كنت فيهم ضحية ولكن en même temps ملقيتش شكون لي اعاونني فديك لوقيتة parce que مكنتش كنعرف راه كاينين شي وحدين من الناس كيشفو لي ومكنتش كنعرف راه كاينين تآلفات ولا جمعيات لي اقدروا اعاونوني . Donc ملي وصلت وعرفت ودوزت تجارب لي تعلمت منه تا انا دايمًا كنفكر بواحد التفكير لي هو ايجابي . منين وصلت وعرفت بلي كاينين تآلفات كاينين جمعيات قتل مغنبلش على الناس لي كيشفو لي وبحال ولا اقدروا وقوعو فنفس المشاكل لي وقعو لي وبأني نشارك معاهم التجربة ديا لي ولا نكون يد العون ولا pour accompagner هاد الناس باش اتخطاوا المشكلة بسرعة ولا ميوقعوش كاع فديك المشكلات لي وقعت فيهم أنا بسبب أنني مكنتش كنعرف راه كاينين تآلفات وناس كيشفو لي .
- أوكي كيفاش بدتي الانخراط ديالك ف queer activism ؟
- أنا كنت وقعات لي واحد المشكلة لي كبيرة بزاف. أنا كنت كنقرا ففرنسا ودخلت لفرنسا وجيت للمغرب فرحان حيث خدام فالبنكة. كولشي مزياتا واحد النهار درت كيما كنت تندير ففرنسا . خرجت مشيت لواحد لبلاصة معروفة كيكونو فيها الناس لي هما lgbt هزيت معايا جوج دالناس مكنعرفهومش وديتهم معايا للدار. ديك الساعة كنت باقي ساكن مع الوالدين. مكنوش والديا كانو مسافرين. Donc j'ai profité باش ندير داكشي لي بغيت. ديت معايا جوج د الناس لي مكنعرفهومش. طرا لي طرا درنا لي درنا ولغد ليه فالصباح كنفيق . خرجنا بسلامة بسلامة. قلت فعوض نرجع ننفس ناخذ سوارت ديا لي ديا لي الطوموبيل باش نفيق من هاد السكرة لأنني سكران وهديشي لي درت البارح بالليل مكيدارش فالمغرب . مشيت نقلب على الساروت ديا لي الطوموبيل ديا لي وملقيتش. خرجت نقلب على الطوموبيل وملقيتهاش. أنا فالمغرب واش نمشي عند البوليس نقول ليهم ديت معايا جوج دراري ودرنا الشذوذ الجنسي كما كيترسمي فالمغرب؟ واش غادي نمشي ونقول ليهم راني سكرت alors que سكرودخلت معايا جوج د الناس مكنعرفهومش. غيقولولي السكر العلي. واش غنقول ليهم ديت معايا جوج ديا لي لبنات غيقولو لي الدعارة. Donc مشيت عند البوليس كذبت عليهم حيث معرفتش أنا طوموبيلتيقش مشات واش غيقتلو بيها واش غيشفرو بيها واش غتوقع بيها ش مشكبة واش غنقول لعائلي ولدارنا واش غنقول للناس فين مشات الطوموبيل. مشيت عند البوليس وكذبت عليهم وقلت ليهم أنا سايق غاديوقف وطلعوا واحد جوج دالناس وهبطوني وشفرو الطوموبيل. هذاك النهار باقي كنعقل

كان المغرب دايرين مسيرة على وديت الصحراء المغربية وكانو دايرين واحد المسيرة مليونية فالدار البيضاء. Donc ملي قلت ليهم راه هزوني وداو ليا الطوموبيل القضية كبرات بزاف. شدوهم جابوهم ودوك الناس عاودو الحقيقة. Donc أنا البوليس قالو ليا راه شدينا طموبيل ديالك نهار الاثنين ان شاء الله جانب باش توقع المحضر وتهز طموبيلتك وتمشي. خدام فالبنكة باقي كنعمل فحال البارح وهادشي ف 2009 لابس كوستيم دياي وكرافات دياي وكانت يامات البردوالشتا لابس manteau وغادي زوين. انسان غادي يمشي يخدم فالبنكة انسان سوي جميل على حساب هاد المجتمع ديالنا كيفاش كيشوفك. وصلت وهما يلاقيوني بدوك الجوج د الناس وقالو ليا ها شنو عاودو وغتبقى معنا فالتحقيق. Donc رجعت من ضحية تشفرت ليه الطوموبيل لواحد لي غيتقدم لوكيل الملك بالشذوذ الجنسي والتحريض على الدعارة وبلاغ كاذب واهانة الطابطة القضائية. Donc غنخليك تفكر مع عائلتك غيعيطو ليهم فالتليفون ومع بزاف د الوقائع لي وقعو فهاديك لوقيتة. Donc القضية تعطاو فيها بزاف ديال لفلوس نقولك عشرة د المليون نقولك طناش د المليون باش قدرت نخرج منها سالم في اطار قانوني. ولكن ماشي سالم psychologiquement parlant حيث Il y a des séquelles و. ma mère est tombé malade pendant واحد المدة طويلة. حيث الولد لي قالت قريبو ودرتلو وفعلتلو دار المشاكل en tant que زامل. الواليد كيفاش غادي نشوف فيه خويا ختي عائلي هادي واحد الجهة. جهة أخرى كتفكر اش داك تدخل من فرنسا. نتا ضحية تشفرت ليك الطوموبيل وفالاخر وليتي ناعس فالكوميسارية. مدوزتش يومين فالكوميسارية دوزت ثلاث أيام وكتقدم لوكيل الملك لي تقول ليك كتخلي لبنات ديال سطاش العام سبطاش العام c'est la pédophilie. Je me rappelle الا هدرنا على سطاش العام سبطاش العام وتابع زكوكا وتابع تراي بالله نتا خرجتي على حياتك بالله نتا غادي تتريا. Donc هادشي كولو هو لي خلاني فهاديك الساعة 2009 بديت كنقلب وتنقول ميمكنش ففرنسا كينين جمعيات وكنعرف كايئة جمعية مغربية سميتها كيف كيف من تما بداو الاتصالات دياي وبديت تنقلب ومن تما عرفت واحد المنظمة لي كانت سميتها كيف كيف كانو باقين خدامين شي شوية فديك لوقيتة وهما لي خلاوني نتواصل مع الناس ماشي فالمغرب حيث مكنوش كيغرفو بزاف د الناس فالمغرب. خلاوني نتواصل مع شي ناس فالجزائر مع شي ناس فلبنان لي هما عاونوني غير باتصالات ووقفو معايا فكيفاش نتجاوز هادشي باش من تما بدات الرحلة ديال كنقلب على الناس لي بحالي وواش كينين شي جمعية فالمغرب وهاد الجمعية فالمغرب كي دايرة وواش كتخدم واش هدا. وراولي ALCS ديالنا لي فكارا. عاد باش وليت كنمشي ليها مرة مرة وعاد باش نتلاقا بلوبيات وكنشوف الناس كيفاش لابسين كيفاش كيضحكو كيفاش كيهدر. ومن تما بديت فنطاق ديال les infections sexuellement transmissibles وبديت كندير الشارع. الشارع ماشي en tant que شي واحد vendeur de sex , ولكن كندير الشارع باش ندور على دوك الناس ل vendeurs de sex وباش ندير ليهم شوية ديال التوعية على كيفاش اديرو Préservatifs وكيفاش خاصك تهدر وخاصك دير ومن تما بدات الرحلة دياي .

- واش دجا ستعملي online platforms لأهداف كتتعلق بqueer activism ؟
- أول مرة درتها كانت فكروب منطقتنا وهي كانت أول association لي كتجمع ا بين بزاف ديال لعرب وبزاف من المغرب الكبير لي فيه أمازيغ وكانت أول platform لي كنا كنخدمو باش نستقطبو الناس لي مكيعرفوش بلي كينين بزاف ديال الجمعيات والتالفات لي كنقدرو نتجمعو فيها بواحد الكم كيفون مئة واحد ونقدرو نكونو كاملين ففضاء واحد ونتجمعو كاملين ونديرو ورشات وندير وشي حاجة لي كتهمنا حنا كاملين فالمنطقة ديالنا د المغرب الكبير والشرق الأوسط والخليج.
- اوكي , واش المنظمات لي كتسعى للدفاع على حاملي فيروس الايدز كان عندها تأثير على طريقة المنظمة ديالكم ؟ وكيفاش هاد التأثير كان ؟
- أنا بديت ب ALCS كنت ماشي كعضو فالجمعية ولكن كنت كمستفيد من الجمعية . من مستفيد وليت كندير كيما قلت ليك كنخرج للشارع كنشوف الناس فالشارع وكنتعرف على ناس وحدين اخرين . عرفت شناهايا transsexual عرفت شناهايا travesti ووليت كنعرف ندير الفرق بيناتهم بجوج وحلات ليا المجال اني نعرف راه كينين كيما كنقولو حنا زوامل لي كيديرو الشارع باش اكسبو المال وشحال داك المال. Donc خلاني

نوسع التفكير دياي والنظر دياي على واحد الناس لي هما مكنوش كيشبهو ليا ولكن كينتامي ليهم وكيانتاميو ليا . Donc من الجمعية ديال السيدا كوننا حنايا واحد الناس وواحد الجمعية لي كانت travaille en parallèle avec ALCS, حيث فكرنا حنا واحد جوج دناس اخرين أن هادوك دراري ولا هادوك les travesties , حيث منين كتكون خارج مع ALCS كتلقا تا لعيالات لي كيخدمو فدروج , أننا كيفاش نقدرو نديرو أن هاد الناس لي كيديرو هادشي ماشي حيث باغيين اديروه حيث لقينا بزاف ديال les travesties كيديرو داكشي حيث عاجبهم اديروه . كايين بزاف د الناس اخرين الحاجة دياهم خلاصهم أنهم اخرجو للشارع. Donc فكرنا نديرو واحد l'association لي سميتها le réseau du coeur لي خلاصنا نخدمو على دوك الناس ونديرو ليهم réinsertion sociale وكيفاش نقدرو نخدمو . Donc فكرنا فالناس حيث ملي كنا كنخرجو للشارع مع ALCS مكنوش غير الناس لي كيديرو الشارع وكيخدمو فالجنس , ولكن كانو ناس وحين اخرين لي كنسميوهم les sdf لي ناعسين فالزنقة حيث وقعو ليهم مشاكل ولا هربانين من دارهم ولا حيث دراري صغار . Donc كنا كنفكرو كيفاش غادي نديرو نوالفو مابين هادي وهادي. Donc خدمنا على أن دوك لعيالات لي كيخدمو فالدروج باش اديرو un acte sexuelle بعشرة دراهم ولا خمسطاش درهم ولا عشرين درهم أننا نجيبوها عندنا ل le réseau du coeur نخدموها انها طيب معانا العدس وطيب معانا اللوبيا وتعجن لينا الخبز ودير لينا بزاف ديال لحوايج اخرين باش نخليوها على الأقل واحد يوماين فالسيماينة خدامة وكنخلصوها كثر من داكشي لي كتاخدو وهي كدير واحد l'acte sexuelle مبالغش ديرو وباش كنمشيو نعاونو بداكشي لي طيباتو وصوباتو نوكلو الناس لي ناعسين فالزنقة ومكيخدموش ف le sex وكنا كنحاولو نديرو la réinsertion sociale ومنبعد طورنا الفكرة أننا ولينا كنمشيو لعند دار المسنين وكنديو دوك لعيالات باش اغسلو لدوك لعيالات وكنهزو دوك الرجالة les sdf باش امشيو اغسلو لدوك الرجالة لي كايين تما باش نحاولو نوريوهم أنه كايين طرق وحدة أخرى أنه اقدروا كسبو منها المال بلا ميعدبو ريوسهم ويدير وشي حاجة لي معاجباهم وكتعذب ليهم الضمير دياهم ولي كيبيكو عليها كل نهار . Donc منها بدات رحلة ديال réinsertion sociale ديال les vendeuses de sex و les vendeurs de Sex و les sdf ومن تما بدات واحد الرحلة وحدة أخرى . Donc هي هي هادي البداية وانا كنشكر وكنشكر ALCS حيث عاوناتني فواحد لوقيتة أنني عرفت ماشي بوحي هكا وأن كايين بزاف د الناس بحالي وفنفس الوقت من عندهم وليت كندير الشارع. Donc كتاشفت شنو كايين فالواقع واحد العالم لي هو en parallèle مع واحد اعالم لي كنت عايش فيه وكتاشفت واحد العالم واحد اخر لي هو en parallèle وحاولنا بكل اوسائل لي كانو عندنا تا وصلنا فجمعية du coeur le réseau أننا عوض منخرجو غير الخميس ولينا كنخرجو الثلاثاء والخميس وعوض دوك لعيالات لي كنخدموهم الثلاثاء والخميس ولينا كنخدموهم السيماينة كاملة وخدمنا على واحد الحاجة لي هي جديدة حيث كانت بالنسبة لينا حنا جديدة وكانت جديدة تا فلوقيتة لي كنا خدامين فيها حيث ماشي غير كنعطيو الناس مايكول ولفلوس وكاشة باش انعس . بحال ديك المثل الصيني لي تيقول علمني كيف أصطاد سمكة ومتعطينيش سمكة كل نهار . Donc شدينا هاد المثل وحاولنا نخدمو عليه وخدمنا لواحد عامين ولا ثلاث سنين ف la réinsertion sociale حتى حبسونا السلطات لأننا كنا كنخدمو فواحد المجال لي مكناش مقننين وكنا كنتعرضو على حساب مايقولو للخطر أننا وأننا ودرجة أنهم منعونا نخرجو ومنبقاوش نديرو هادشي لي كنديروه.

- واش هاد المنظمات لي كدافع على حاملي الايدز كان عندها تأثير على طريقة النضال دياك داخل مجتمع ميم عين بالمغرب ؟
- لا منقولش كان عندها تأثير على كيفاش أنا بديت كنخدم منبعد هما غير وراوني اش كايين , ولكن أنا كنحمد الله وكنشكرو . كنقول الله pas forcément الله لي كنعرفو كاملين . ولكن كنحمد أنني عندي شوية دلعل لي هو كان كيغذبي فواحد لوقيتة ولكن واحد لوقيتة تصالح معاه وولاكيخليني كنفكر عكس التيار ولا كيخليني كنمشي لشي بلايص لي مكنوش كيوصلو ليهم ALCS ومكيوصلوش ليهم بزاف د الناس لي كانو كيديرو معايا. ولكن كانو حدايا شي ناس لي كانو عندهم شوية ديال التفكير بحالي وفنفس الاتجاهات دياي لي خلاصنا نتعاونو ندير وشي حاجة جديدة على شنو كدير ALCS .

- أوكي . واش مدونة ديال 2004 كان عندها تأثير على طريقة النضال ديالك داخل مجتمع الميم عين بالمغرب؟
- لا نهائيا لا . 2004مكنتش عارف أصلا شي مدونة لي كنهدر على هدهشي . هادشي ديال المدونات كتشفتو تا وصلت ل 2017 و2018 وبديت كنهمم وقع قبل وشنو دارو الناس قبل.
- واش حركة فبراير ديال 2011 كان عندها تأثير على طريقة النضال ديالك داخل المجتمع الكويري بالمغرب؟
- نهائيا لا. أنا كنت عاودت تاني كيما كنقول ليك عندي واحد التفكير نفس ناس ديال الميم لي كيغرفوني وكيغرفو بلي التفكير ديالي بعض المرات كيكون بعيد عليهم وكيخلق ليا بعض المرات المشاكل معاهم حيت مكنفكرش بنفس الطريقة لي كيغفرو بيها . أنا à la base كنت ضد بزاف دلحوايح لي كيهدرو عليهم حركة عشرين فبراير لي متأثراتش فيا بزاف وهديك جات فواحد النطاق لي أنا كنت كنشوفو تأثير خارجي على واحد الحاجة ديانا حنا لي داخلية ولي معندها تا علاقة بدكشي لي كان كيوقع فبلاصة واحد أخرى. Donc مكانت عندي تا شي علاقة بعشرين فبراير ومكان عندها تا شي تأثير علي وتا الا كان عندها شي تأثير كان عندها تأثير عكسي .
- وحراك الريف واش كان عندو تأثير؟
- منوصل حراك الريف كنت أنا كبرت شوية فالدماغ ووصلات عندي certaine maturité وتعرفت على بزاف د الناس لي تعلمت منهم بزاف ديال لحوايج وعلموني بزاف ديال لحوايج . بعض المرات علموني directement وبعض المرات indirectement. Je peux citer des noms si tu veux. مثلا عايدة أثرات علي directement وسلمي أثرات علي indirectement. هادو واحد الناس لي كنت كنتعلم منهم لي اقدرو هما ميكونوش متوافقين ونقدر أنا نكون متوافقش معاهم بجوج. ولكن واحد الناس لي كيفاش كيهدرو وكيفاش كيوصلو الهدرة دياهمم ودكشي كيفاش تيقولوه خديت منهم داكشي لي عجبني وبديت كنمارسو وخليت شي حوايج لي معجبونيش وممارستهومش . ولكن حراك الريف منين وصل كنت أنا وصلت معاه لواحد certaine maturité ديال حرية شخصية ديال nationalism و la discrimination و بزاف ديال لحوايج اخرين. حراك الريف أثر فيا نفسيا وأثر فيا جسديا وخلاني من غير أنني ندافع على واحد الفئة لي كنت خدام معاهم بزاف ووليت تنفكر فواحد الفئة لي مندها تا علاقة بمجتمع الميم عين ولي تا هي عندها واحد discrimination لي كتعيشها وخلاتني تا أنا نعاود نفكر فيزاف دلحوايح.
- وكوفيد 19 واش كان عندو تأثير ؟
- هاد الفيروس كان عندو تأثير عليا أنا شخصا حيت جيت لواحد لمدينة لي مكنعرفهاش بالله سكنت فيها وخدمت فواحد الخدمة لي مكنعرفهاش ومكنعرف فيها تا شي واحد ولقيت راسي بوحد لي لواحد المدة على الأقل 6 شهور مكنعرف فيها تا شي واحد ومكنهدر مع تا شي واحد الا à travers les réseaux sociaux ولكن تأثير كوفيد علي كشي واحد كيدافع على الحقوق ديال مجتمع الميم عين درت على les réseaux sociaux وشفت بزاف د الناس لي جروا عليهم دارهم فهديك الظروف وشفت بزاف ديال الناس لي وقعو فمشاكل فهدوك الظروف وشفت بزاف ديال الناس لي كينتميو لينا وهدرو علينا بواحد الطريقة لي خايبة وخالو بزاف د الناس كيغرفو شناهما les sites لي كنخدمو فيهم وكنخدمو عليهم وكنتلاقو بيهم ولقيت راسي limité par covid. لقيت راسي مقادري نشارك ولا نخرج من الدار وبالتالي كان عندها واحد التأثير لي ضرني فخاطري بزافو فكرني فشي حوايج لي وقعو ليا قبل فاش كنت كنحس براسي بوحد .
- وحملة التشهير لي شناتها صوفيا الطالوني فمواقع التواصل الاجتماعية ؟
- فاش هدرت دابا على التأثير ديال كوفيد والناس لي دارو لينا التشهير وهدرو علينا .فأنا كنت parmi les gens لي دارو وهدرو ف des communiqués . وكنت من الناس اللولين لي فرحو أنه تحبس ليه الكونط ديالو وطراو ليه بزاف دلحوايح . كسعيدة الموظفة , صوفيا الطالوني واحد الانسانة لي تلاقيت معاهم فاش كانت باقة مدارتش la transition وانا كنت واحد الانسان لي ستقبلها فاش جات للدار البيضاء وكنت واحد الانسان لي عاونها فواحد لوقيتة لي كانت تاهي مشكلة ديالها ديال التشهير وهربات من الحسيمة ومشات لطنجة وتشدات فالحبس فطنجة وجات فاش كان باقي سميتو نوفل بالضبط . Donc بقا فيا الحال أنها نسات أشنو عاشت ونسات أشنو عانات ونشات أشنو قاسات ونسات أنها فاش كانت مشدودة فالحبس على وديت الكوكابين وعلى وديت بزاف دلحوايح لي كانت كدير . وكانو شكون كيهدرو معاهم فالتليفون كانو زوامل وكنا كنشودو معاهم الهدرة بالساعة وكنا كنهدرو وكندورو مع البوليس وكندورو مع الناس وكنجمعو لفلوس باش نعطيوها باش تكون مرتاحة فالحبس . نسات أن الزوامل ونسات كولشي .خدينها بحرقة القلب راه واحد منا لي تشد وهي نسات هدهشي كامل وبدات هي أول واحد لي كيهاجم زوامل مفهمتش علاش ومعرفتش علاش ولحد الان مبقيتش باغي نعرف علاش . وأنا كنت من بين الناس لي ساهمو أن داك الكونط ديالها اتحبس ونتمنى أنه اكون عبرة لوحدين

آخرين غادي اقومو بتشيير واحد الحاجة لي كنسميها خط أحمر. وبدوا كيفهمو منتما بزاف دالناس ولاو كيغرفو lgbtqa علاش قادرين وعلاياش قادرين اوصلو.

- فالرأي ديالك الشخصي شناهما اللحظات لي كتشوفهم فاصلة فالتاريخ الكويري بالمغرب؟
- اللحظات الفاصلة كانو أول حاجة كنا ف2002 و2003 كنسمعو أننا عندنا جمعيات لي كيدافعو على الحقوق ديالنا. هادي كانت un phénomène لي كيهدر عليه كولشي الناس. كايينة واحد السيدة لي خدمات فهاد النطاق مبيغيتش نسميها حيث مبيغيتش ندير ليها la publicite حيث بدات مزيان ولكن مسلاتش مزيان. غادي عرفوني علامن كنهدر. بدات مزيان ولكن منبعدهمنا علاش كانت كتهدر وفأى نطاق كانت كتهدر وفاش كانت كدافع وعلاش كانت كدافع لأسباب شخصية وباش توصل لشيحاجة خاصها توصل ليها. من بعد النضال الكويري. فالمغرب نهار لكوير ديالنا ديال المغرب كيما دارو نهار ناضو كلهم كيناضلو ضد صوفيا الطالوني وكشي لي وقع معاها دارو واحد التالف زوين ووحد communiqué لي جمعهم كاملين. Donc نهار النضال الكويري فالمغرب غيكون فيه هادالتالف ونحدود واحد اثنان ثلاثة شنو خاصنا نديرو كاملين وكيفاش خاصنا ندافعو كاملين وكيفاش خاصنا نهذرو ونقدرو نمشيو مزيان. ولكن مكانوش شي حلاقات فارقة فالنضال ديالنا الكويري فالمغرب لي دابو شي حاجة لي فيها البوز apart نهار دارو التالف وتجمعو كاملين راه محققو واحد الهدف وخلوا الناس كيهذرو عليهم وكيسمعو ليهم حيث النضال الكويري فالمغرب ولا فالمغرب الكبير فيه واحد التناقضات وفيه واحد accrochage حيث معندناش la même idéologie ومعندناش نفس التفكير فكندنا ونتضاربومع بعضياتنا ومنين كنكونو ممتفقينش كاملين على حاجة وحدة وغادي نمشيو نخممو عليها كاملين وغادي نمشيو فنفس الطريق فمغاديش نوصلو لشي حاجة.

- فنتاطق التنظيم الكويري بالمغرب. شناها شي لحظة لي عشتيها ولي كان عندها تأثير كبير عليك؟
- اللحظات لي أثرو علي وأنا كنخدم على شي حاجة كنخدم عليها باش نمشيو كاملين لواحد l'espace ماشي فالمغرب هما اللحظات لي خدمت عليهم pour ISCH كيفاش خدمنا عليها وكيفاش المرة الأولى فاش مشيت وفاش جيت وأنا ils m'ont mis dans un cadre en tant que gay-cis en sachant que je ne suis ni gay ni cis. هي منين بديت أنا كنخدم en tant que سعيد ولا سعيدة الموظفة sur une cause لي ماشي ديالي une cause لي كتعجبني ولكن مكانش عندي الحق نكون فيها أنا. مثلا فالعام الأول لي خدمت على LSCH خدمت على أن ليزبيان مكيمشيوش بزاف LSCH فينما كانو كيمشيو الناس من المغرب الكبير كان عندنا 20 د الناس لي خاصهم يمشيو فكنلقاو 19 gays واحد ليزبيان. فاش خديت هاد القضية كقضية ديالي أنني خاصني ليزبيان تا هما يمشيو وخاصني لترانس تا هما يمشيو خدمت عليهم وأنا فرحان بزاف وقدرت أنني نخدم بالمساعدة الكبيرة ديال عايدة أنني نخدم على هاد القضية وأني نخدم en tant que gay ولكن كنخدم على سعيد en tant que lesbienne. هادي هي القضية لي ماركاتني حيث انا راني خدمت وخدمت وخدمت من قلبي وبكاع جهدي وخدمت بجميع الانتماءات ديالي الايديولوجية وخدمت على شبحاجة لي انا باغيها توصل ولي انا فاهم en tant gay بزاف د لحوايج لمرا ولما ترانس كيغانيو. منين وصلت للجهة الاخرى، قالوليا نتا سعيد وعندك اللحية ونتا سيز وبالتالي tu n'as pas le droit de parler de ça parce que tu ne comprends pas ce que nous endurons. فهمتهم كيفاش هذرو معايا ولكن جاني بحال un blocage لأنني خدمت بقلبي وخدمت. parce que je peux supporter cette cause. Je peux le faire même si je ne suis pas une femme lesbienne. Je suis être un moyen de passer un message. Je peux ressentir. ولكن فالآخر قالوليا لا نتا gay-cis. ce qui m'a marqué والخدمة لي كامل خدمتها هو هدشي.

- شناهما الشخصيات ولا الناس لي كاينين فالحركة الكويرية فالمغرب لي كياثرو فسك ولا كيغطيوك الهام شخصيا ؟
- ديجا قلتهم واقبلا.عندي عايدة وسلمى و j'apprécie tellement Usmane pour tout ce qu'il fait. وأيوبه حيث Je la considère comme ma fille et ma fierté ومالا وصديقة.

- شناها أقدم ذكرى عندك فالحركة الكويرية بالمغرب؟
- كيف كيف و البوز لي دارو فاش بداو كيهذرو على المثلية الجنسية بوحدة الطريقة وحدا أخرى وبزاف د لحوايج.
- واش كتنتذكر كيفاش لكوير بداو كينضمو فاطارات مهيكلية وفسياقات سياسية فالمغرب؟
- عرفت أننا عندنا جمعيات ولا تآلفات منين مشيت لمنطقتنا فتركيا عاد باش عرفت بلي عندنا تآلفات هنا فالمغرب ومتعرفتش عليهم هنا فالمغرب تعرفت عليهم تا مشيت ل LSCH ففرنسا عاد باش عرفت راه عندنا أصوات وعندنا أقليات وعندنا الاتحاد النسائي وعندنا وعندنا وعندنا.

- شناها Parcours personnel ديالك ؟en tant qu'activiste
- غنقولك واحد القصة لي تقدر تضحكك. باقي كنعقل انت عندي 18 عام ولا 19 عام وكنا حنا بزاف ديال لوبيات صغيرات كنغرفو بعضياتنا au hazard عرفنا واحد السيد دقة وحدة لي هو كان كبر منا وكيستعمل السلطة ديالو علينا

كاملين وواحد السيد لي كان ضعيف علينا لي الله ارحمو دابا كان ضعيف فالشخصية دبالو وكان كيديرلو تهديدات الا مجيتيش عندي دابا غادي نمشي عند والديك . Donc تجمعنا حنايا ي كاب زاف د الناس صغيورين فواحد لوقيتة لي مكايينش تالفات ومكينش بزاف دلحوايج وتنظمنا بيناتنا واحد الناس صغيورين ضد واحد السيد لي ستعمل علينا واحد le pouvoir . مشينا حاولنا أنه اصيفط لينا التصويرة دبالو وخدينا التصويرة دبالو من ستوديو لي تصور فيه ودرنا مجهود باش نوصلو للتصويرة وشدينا ديك التصويرة ودرنا ليها فوطو كوبي وكتبنا عليها هذا مغتصب الأولاد الصغار . باقي كنقل على الجملة حيث غير مفيدة وكانت جملة لي معناها تا علاقة باللغة العربية . مشينا للحي فين كان كيسكن وبقينا كنفرقو فالتصويرة دالو على الناس كاملين لدرجة أنه خليه يرحل من اليلاصة لي ساكن فيها . هادي أول تالفية وأول حركة درتها en tant que gay contre une personne qui utilise un pouvoir et je suis fier jusqu'à maintenant حيث منتما مبقينا سمعنا عليه تا شي حاجة . باقي قنعقل على سمية دبالو. سميتو سي محمد جعفر .

- كيفاش بديتي وعلاش بديتي وفين وصلتي دابا؟
- كيفاش بديت الحركة دبالو en tant que militant هي هاد القضية لي دويت عليها دابا ومنبعد منين نجاحات لينا هاد القضية ولينا كنديرو أي واحد غيجي ضدنا ولا غادي اهددنا كنديرو في الاتحاد قوة و الا كنتي ضد واحد حنا غنكونو عشرة ضدك ولا طناش ضدك وغادي نهديك وبالتالي منها بدات هاد القضية . يعني حنا ضد العنف ضد les menaces ومن بعد منين وقعت ليا القضية دبالو لي عاودت فالأول دبال اللقاء منتما وليت كنعاولد القصة دبالو لكاع الناس لي كنتلقا. كنعاولد القصة دبالو لأي واحد كنتلقا بيه . عندكم تهزو معاكم جوج د الناس مكتعرفوهمش ولا شي واحد مكتعرفوهمش . عنداك تدي معاك شي واحد للدار ونتا مكتعرفوش الا مكانش معاك شي واحد . حضيو راسكم سدو البيان ديرو فعلو تركو .وبالتالي خديت الدور دبال واحد لي كيغطي النصائح . والقضية دبال activiste militant بدات مع ALCS منين بديت كنخرج للزقة وكنشوف شنو كيوقع وكنشوف الظلم وكنشوف العدوان وكنحاول بهدكشي لي عندي قليل أنني نعاون بلا متكون علي ديك التسمية دبال أنا وصي عليك ولا أنا كنوريك ولا أنا كنهم. انا غير كنشارك معاك والله ارحم ليك والدين .Faites attention pour toi

- واش كان هناك شي تغييرات فارقة فطريقة النضال دبالك داخل مجتمع الميم عين بالمغرب؟
- انا بديت مع منطقتنا وخدمت مع منطقتنا وولينا كنديو معانا بزافديال الناس باش امشيو معانا لمنطقتنا من بعد فهمت فالنضال فالمغرب انه كاينين بزاف دبال الناس لي كياخدو هادشي باش اربحو لفلوس خاصة وأنا خدمت شوية على نجيب les fonds فهمت بزاف د الجمعيات كيفاش كيخدمووليت كنشوف بزاف د الناس ولاو باغيين اعيشو غير بلفلوس لي كيجيو على ظهر دبال الناس وحدين آخرين . Donc عرفت أننا معندناش كاملين نفس القيم دبال نقاب على لفلوس ونجيب لفلوس ونفرق لفلوس وداكشي علاش ختاريت فهاد ثلاث سنين الاخيرة أنني نبعد ومن قبل هاد ثلاث سنين الاخيرة مكنتش كنبيغي ندير الانتماء دبالو لشي جمعية باش ميكونش سميتي مرتبطة بشي حاجة عندها علاقة بلفلوس .
- شنو هما المخاطر ولا التحديات لي واجهتي وانت تناضل داخل مجتمع ميم عين بالمغرب؟
- التحديات هما أنك كتكون كتخدم على واحد la cause pénalisée فالمغرب وكتكون كتخاف فأى وقت تكون عرضة لشي حاجة خاصة وأنا تعرضت ليها ديجا وتقدمت لوكيل الملك بالشذوذ الجنسي . تحديات مع الناس لي حداك وتحديات مع شنو نتا كتفكر ولاش باغي توصل .ولكن متعرضت لشي مخاطر أخرى فالنضال دبالو en tant que militant ancien ولكن تعرضت لمخاطر وأنا en tant que زامل فالمغرب فواحد لوقيتة.

- شي كلمة اخيرة بغيي تصيفها؟
- عافاكم قيلو عليا ملي كنقول ليكم ماماكم وكنبيغي ندير بحال ديك ماماكم لي كتبيغي تعاونكم وتساعدكم ماش باش نتسمى وصي ولا باش ندير شي حاجة ولكن juste pour dire que vous avez une maman elle est la pour donner des conseils. الكلمة الاخيرة نتوما كنفتاخر بيكم وفرحان فرحان أننا وصلنا فالمغرب كنديرو التاريخ وولينا كنهديرو à haute voix وولينا كنديرو بزاف دلحوايج . Donc كنقول عليكم نتوما وليدات العشرينيات والثلاثينيات والاربعينيات كملو فالنضال وراكم غاديين فواحد الطريق لي هي زوينة بزاف والله اكمل عليكم بالخير .